

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲԲ-ԼՕ-2021/75, 08.09.2021թ.

Բողոք բերող անձ՝ «Ստեպ Լոջիկ Յուգ» ՍՊԸ

Պատվիրատու՝ ՀՀ պետական եկամուտների կոմիտե

Գնման ընթացակարգի ծածկագիրը՝ «ՀՀՊԵԿ-ԷԱՃ-ԱՊՁԲ-21/25» էլեկտրոնային աճուրդ

Գնման առարկան՝ Կոմպոզիտիվ սերվերների և տվյալների պահոցների ձեռքբերում

Բողոքի պահանջը՝ պարտավորեցնել «ՀՀՊԵԿ-ԷԱՃ-ԱՊՁԲ-21/25» ծածկագրով ընթացակարգի գնահատող հանձնաժողովին՝

- «ՀՀՊԵԿ-ԷԱՃ-ԱՊՁԲ-21/25» ծածկագրով ընթացակարգի հրապարակված հրավերում և դրան կից տեխնիկական բնութագրում կատարել փոփոխություններ՝ բողոքով նշված հիմնավորումների և վերլուծությունների շրջանակում կամ վերացնել սույն բողոքում նշված թերությունները, կամ

- Չկայացած հայտարարել «ՀՀՊԵԿ-ԷԱՃ-ԱՊՁԲ-21/25» ծածկագրով հայտարարված ընթացակարգը:

ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ

ՔԱՐՏՈՒՂԱՐ՝ Ռ. ՄԿՐՏՉՅԱՆ

Նիստերին կարելի է առցանց հետևել <https://www.e-gov.am/gnumner/> հղումով.

Տեղեկացնում ենք, որ «Գնումների մասին» ՀՀ օրենքի՝

• 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների

արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ՀՀ գնումների հետ կապված բողոքներ քննող անձին

Հասցե՝ ՀՀ, ք. Երևան, Մելիք-Ադամյան փող. 1

Բողոքաբեր՝ «Ստեպ Լոջիկ Ցուգ ՍՊԸ»

ՀՎՀՀ՝ 02704268, գրանցման համար՝ 286.110.06750

Հասցե՝ ՀՀ, Երևան, Արգիշտի 7

ներկայացուցիչ՝ փաստաբան Աննա Սամվելի Մարգարյան

(փաստաբանական գործ. արտոնագիր՝ 2189, տրվ. 03.12.2016թ, նույնականացման քարտ՝ 006499388, տրված՝ 14.09.2016 001-ի կողմից)

**Ծանուցման հասցեն՝ ՀՀ, ք. Երևան 0002, Բիզնես կենտրոն «Մարյան 12», 3-րդ հարկ, գրասենյակ թիվ 1, «ՀԱՊ» ՍՊԸ
Հեռ. 099 89 00 50**

Էլ. Փոստ՝ anna.margaryan@hap.am

Պատվիրատու՝ ՀՀ պետական եկամուտների կոմիտե

Հասցե՝ ՀՀ, ք. Երևան, Մովսես Խորենացու 3,7

Ընթացակարգի ծածկագիր՝ ՀՀՊԵԿ-ԷԱՃ-ԱՊՁԲ-21/25

Գնման առարկա՝ ՀՀ պետական եկամուտների կոմիտեի կարիքների համար՝ «կոմպոզիտիվ սերվերների և տվյալների պահոցների» ձեռքբերումը ձեռքբերումը (այսուհետ՝ նաև ապրանք)

ԲՈՂՈՔ

Սույն թվականի օգոստոսի 26-ին www.armeps.am էլեկտրոնային համակարգում և www.procurement.am, www.gnumner.am կայքերում հրապարակվել է ՀՀՊԵԿ-ԷԱՃ-ԱՊՁԲ-21/25

ծածկագրով էլեկտրոնային աճուրդի մասին հայտարարություն և հրավեր հայերեն և ռուսերեն լեզուներով:

«Ստեպ Լոջիկ Յուգ» ՍՊ Ընկերությունը (այսուհետև՝ Ընկերություն) գտնում է, որ գնման ընթացակարգում Պատվիրատուն չի կատարել 19.07.2021թ.-ի թիվ ԳԲԲԱ-ԼՕ-2021/50 որոշմամբ արձանագրված փոփոխությունները սույն գնման ընթացակարգի հրավերում և տեխնիկական բնութագրում, թույլ է տվել «Գնումների մասին» ՀՀ օրենքի (այսուհետև նաև՝ Օրենք), Գնումների գործընթացի կազմակերպման կարգի (այսուհետև նաև՝ Կարգ) դրույթների խախտումներ, խեղաթյուրել է գնման գործընթացի էությունը, բացառվել է մրցակցությունը և ղեկավարվելով Օրենքի 46-րդ, 47-րդ և 50-րդ հոդվածների պահանջներով, ներկայացնում ենք սույն բողոքը.

Բողոքի փաստական հիմքերը.

1. ՀՀ պետական եկամուտների կոմիտեի (այսուհետև՝ Պատվիրատու) կողմից 02.06.2021վ.-ին տեղեկագրում և www.armeps.am էլեկտրոնային համակարգում հրապարակվել է ՀՀՊԵԿ-ԷԱՃ-ԱՊՁԲ-21/25 էլեկտրոնային աճուրդի հայտարարությունը և հրավերը:
2. Հայտերի ներկայացման վերջնաժամկետ է սահմանվել 10.09.2021թ. ժամը 14:00:
3. Գնման ընթացակարգի հրավերի «Գնման առարկայի բնութագիր» բաժնում նշված է.
 - 1.1. Գնման առարկա է հանդիսանում պատվիրատուի կարիքների համար՝ «կոմպոզիտիվ սերվերների և տվյալների պահոցների» ձեռքբերումը (այսուհետև՝ նաև սպրանք), որոնք խմբավորված են «2» չափաբաժնում՝

<i>Չափաբաժինների համարները</i>	<i>Չափաբաժնի անվանումը</i>
<i>1</i>	<i>կոմպոզիտիվ սերվերներ</i>
<i>2</i>	<i>տվյալների պահոցներ</i>

Ասպրանքի տեխնիկական բնութագրերը, ինչպես նաև մասնագիրը, տեխնիկական տվյալները և այլ ոչ գնային պայմանների ամբողջական և համարժեք նկարագրությունը կազմում են կնքվելիք պայմանագրի անբաժանելի մասը, որի նախագիծը ներկայացված է սույն հրավերի N 5 հավելվածում:

4. Գնման առարկա է հանդիսանում Պատվիրատուի կարիքների համար՝ «կոմպոզիտիվ սերվերների և տվյալների պահոցների» ձեռքբերումը (այսուհետև՝ նաև սպրանք), որոնք խմբավորված են «2» չափաբաժնում, այլ ոչ թե առկա սերվերային համակարգի արդիականացումը:
5. Հրավերի թիվ 5 հավելվածում ներկայացված պայմանագրի նախագծի թիվ 1 հավելվածում՝ որպես «տեխնիկական բնութագիր-գնման ժամանակացույց» նշված է կոմպոզիտիվ սերվերներ, տվյալների պահոցներ, որտեղ և որին կից ներկայացված տեխնիկական բնութագրերում 2 չափաբաժինների ամրագրված են միայն որոշակի թվային պահանջներ, այն դեպքում երբ նմանաբովանդակ գնումների կազմակերպման դեպքում գնման առարկայի հատկանիշներն սահմանելիս ներկայացվում են կատարողականի կամ գործառնության նկարագրեր, որոնք պետք է ներկայացվեն բավարար ճշտությամբ՝ հնարավորություն տալով մասնակիցներին և պատվիրատուին ճշգրիտ ընկալել

պայմանագրի առարկան, այլ ոչ թե արդեն իսկ ձեռքբերված համակարգին համապատասխան տեխնիկական բնութագրի նախագծում՝ տվյալ առկա համակարգի չափանիշներին համապատասխան, առանց որևէ հստակ շուկայի ուսումնասիրության կատարման:

6. Տեխնիկական բնութագրում նշված 2 չափաբաժնում նշված «Կոմպոզիտիվ սերվերներ» ներքո Fiber channel ցանց և այլ մասերը նշանակությամբ, տեխնիկական բնութագրերով, նշանակությամբ խիստ տարբեր են, սակայն արհեստականորեն խմբավորված են մեկ չափաբաժնում:
7. Նշված տեխնիկական բնութագրում առանձին բնութագրեր ունեցող գնման առարկաները խմբավորվել են երկու չափաբաժնում, որով իսկ խախտել «Գնումների մասին» ՀՀ Օրենքի (այսուհետև՝ Օրենք) 25-րդ հոդվածի 2-րդ կետը:
8. Հրավերի թիվ 5 հավելվածում ներկայացված պայմանագրի նախագծի թիվ 1 հավելվածում որպես «տեխնիկական բնութագիր-գնման ժամանակացույց» նշված է.

Հրավերով նախատեսված չափաբաժնի համարը	Գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	Ամբողջական անվանումը	Տեխնիկական բնութագիրը
1	48821100/503	կոմպոզիտիվ սերվերներ	<p>Տեսակ ՀՀ ՊԵԿ-ում առկա HPE Synergy 12000-ում փեդադրելու համար: Պրոցեսորների քանակ Յուրաքանչյուր սերվերի վրա առնվազն երկու հապ: Պրոցեսորի պարամետրեր 2 հապ 20-միջուկանի, 2.1Ghz հաճախականության, 2933MHz հաճախականությամբ DDR4 աջակցմամբ: Պրոցեսորների արտադրողականություն SPEC rate2017 integer result base՝ 223 միավոր: Օպերատիվ հիշողություն Ընդամենը 512ԳԲ՝ 16 միանման DDR4-2933 Dual Rank մոդուլներով: Հիմնական հիշողություն 2 հապ 480ԳԲ 2.5" SSD կրիչ: Ethernet ցանց 1 կոնվերգենտ քարտ 2 Ethernet պորտերով՝ յուրաքանչյուրը 25/50 Գբիթ/վրկ: Fibre Channel ցանց 1 քարտ 2 Fibre Channel պորտերով՝ յուրաքանչյուրը 32 Գբիթ/վրկ Այլ պայմաններ. • Ապրանքները պետք է լինեն չօգտագործված: • Սարքերը և օժանդակ մասերը պետք է լինեն գործարարանային արտադրության: • Ապրանքների փեդափոխումը, բեռնաթափումը, փեդադրումը և գործարկումը իրականացնում է մատակարարը՝ իր հաշվին և իր միջոցներով, համաձայն արտադրողի կողմից խորհուրդ տրվող ճարտարապետության: • Տեխնիկական բնութագրում որևէ առևտրային նշանի, ֆիրմային անվանման, արտոնագրի, էքզիզի կամ մոդելի, ծագման երկրի կամ կոնկրետ աղբյուրի կամ արտադրողի օգտագործումը պարունակում է նաև «կամ համարժեք» բառերը: • Հրավերով պահանջվող սարքերի համար մասնակիցը պետք է ներկայացնի արտադրողի լիազորագիր (MAF) կամ պաշտոնական մատակարարի լիազորագիր (DAF): • Արտադրողի կողմից պետք է գործի 5 փարվա գործարանային երաշխիք՝ 24x7 ռեժիմում արտադրողի համակարգում սերվիս-դեպ գրանցելու հնարավորությամբ և առավելագույնը 4-ժամյա հեղադարձ կապով: Վնասված կրիչները փոխարինումից հետո չեն վերադարձվելու մատակարարին կամ արտադրողին, ինչը պետք է արձանագրված լինի արտադրողի կողմից ներառվող գործարանային երաշխիքի նկարագրությունում:</p>
2	30232230/501	տվյալների պահոցներ	<p>Կոնֆրոլներների նկարագրություն - առնվազն 4 ակտիվ կոնֆրոլներ՝ փաթ փոխարինման հնարավորությամբ - ընդհանուր 1TiB cache հիշողություն՝ 256GiB յուրաքանչյուր կոնֆրոլների վրա - առնվազն 32 հապ 32Gb Fibre Channel պորտեր - յուրաքանչյուր կոնֆրոլների վրա առնվազն 2 հապ 10Gb Ethernet առանձնացված պորտեր՝</p>

		<p>նախադասված փոփոխումների ապագարարային ռեպլիկացիայի համար - յուրաքանչյուր կոնֆրոնտների վրա առնվազն 4 հար SAS 12Gb պորտեր - նախադասված սկավառակների դարակների միացման համար: Տեղադրված սկավառակներ 48x1.92TB SSD SAS 2.5" սկավառակներ: Համակարգի աճեցման հնարավորություն - առնվազն 26 հար NVMe SSD կրիչներ փեղադրելու հնարավորություն - առնվազն 384 հար SSD սկավառակներ փեղադրելու հնարավորություն - առնվազն 576 հար HDD սկավառակներ փեղադրելու հնարավորություն - 1.92, 3.84, 7.68, 15.36TB SSD 2.5" սկավառակների աջակցում: Համակարգի ֆունկցիոնալ - ակնթարթային պատճենների ստեղծում (snapshots) - ամբողջական պատճենների ստեղծում (snapclones) - համակարգի կառավարման ծրագրային ապահովում - համակարգի արագագործության վերլուծության ծրագրային ապահովում - նեղ հարթուրների հեք աշխատելու հնարավորություն (Thin Provisioning) - համակարգը փրամաբանական հարթուրների բաժանելու հնարավորություն - Oracle, Microsoft Exchange, Microsoft SQL, VMware vSphere, Microsoft Hyper-V ծրագրային փաթեթների համար ակնթարթային կոնսիստենտ պատճենների ստեղծման հնարավորություն - VMware vCenter-ի հեք ինֆեզրման հնարավորություն - Տվյալների դեդուպլիկացիա և սեղմում (Compression): Տվյալների ռեպլիկացիա - Տվյալների սինխրոն և ասինխրոն ռեպլիկացիա միևնույն մոդելի այլ համակարգի հեք՝ առանց լրացուցիչ միջանկյալ սարքերի և ծրագրային ապահովման կիրառման - Տվյալների սինխրոն և ասինխրոն ռեպլիկացիա առկա HPE 3PAR 8400 համակարգի հեք՝ առանց լրացուցիչ միջանկյալ սարքերի և ծրագրային ապահովման կիրառման: Համակարգի ադմինիստրավորում Համակարգը պեք է աջակցի "call home" ֆունկցիոնալ, որը թույլ է տալիս՝ համակարգի խնդիրների դեպքում արտադրողի սերվիսային համակարգում ավտոմատ սերվիս-դեպքի գրանցում - հաշվի առնելով պարամիտրի մոտ առկա միկրոկոդերի և ծրագրային փաթեթների փոփոխությունները (version)՝ առկա խորհուրդ փոփոխ թարմացումների ցանկի ավտոմատ փրամադրում - 10-բալային համակարգով գրե/կարդալու գործողությունների ժամանակ համակարգի արտադրողականության գնահատում: Մալուխներ և փոխարկիչներ Տվյալների պահոցը նաև պեք է ներառի բոլոր կոմպոնենտները արտաքին ենթակառուցվածքներին միանալու համար: Այդ կոմպոնենտներն են՝ Ա. Էլեկտրական սնուցման աղբյուրին միացվող մալուխներ բոլոր հոսանքի մուտքերի համար Բ. Փոխարկիչներ փոփոխների պահոցների բոլոր օպտիկական պորտերին միանալու համար Գ. Օպտիկական մալուխներ Բ կետում նշված բոլոր փոխարկիչներին միանալու համար Դ. Մալուխներ փոփոխների պահոցի բոլոր կոնֆրոնտները բոլոր դարակաշարերին միացնելու համար Այլ պայմաններ. • Ապրանքները պեք է լինեն չօգտագործված: • Սարքերը և օժանդակ մասերը պեք է լինեն գործարարանային արտադրության: • Ապրանքների փեղափոխումը, բեռնաթափումը, փեղադրումը և գործարկումը իրականացնում է մալակարարը՝ իր հաշվին և իր միջոցներով, համաձայն արտադրողի կողմից խորհուրդ փոփոխ ճարտարապետության: • Տեխնիկական բնութագրում որևէ առկարային նշանի, ֆիրմային անվանման, արտոնագրի, էքսիզի կամ մոդելի, ծագման երկրի կամ կոնկրետ աղբյուրի կամ արտադրողի օգտագործումը պարունակում է նաև «կամ համարժեք» բառերը: • Հրավերով պահանջվող սարքերի համար մասնակիցը պեք է ներկայացնի արտադրողի լիազորագիր (MAF) կամ պաշտոնական մալակարարի լիազորագիր (DAF): • Արտադրողի կողմից պեք է գործի 5 փարվա գործարանային երաշխիք՝ 24x7 ռեժիմում արտադրողի համակարգում սերվիս-դեպք գրանցելու հնարավորությամբ և առավելագույնը 4-ժամյա հեքադարձ կապով: Վնասված կրիչները փոխարինումից հեքո չեն վերադարձվելու մալակարարին կամ արտադրողին, ինչը պեք է արձանագրված լինի արտադրողի կողմից ներառվող գործարանային երաշխիքի նկարագրությունում:</p>
--	--	---

Անվանումը	Տեխնիկական բնութագիրը	<p style="color: red;">«Ղ գնումների մասին օրենսդրության խախտումներ, գնման ընթացակարգի խեղաթյուրումներ, մրցակցության բացառում, մեկ արտադրողին պարունակող չափանիշներ»</p>	
Չափաբաժին 1			
Կոմպոզիտիվ սերվերներ	Տեսակ	«Ղ ՊԵԿ-ում առկա HPE Synergy 12000-ում տեղադրելու համար»	Սույն հղմամբ արդեն իսկ հիմնավորվում է այն փաստը, որ ներկայացված չափանիշներին համապատասխանում է միայն մեկ արտադրող, այն է HPE:
	Պրոցեսորների արտադրողականություն	SPEC rate2017 integer result base` 223 միավոր	
	Օպերատիվ հիշողություն	Ընդամենը 512ԳԲ` 16 միանման DDR4-2933 Dual Rank մոդուլներով	

Աղյուսակ 1

Անվանումը	Տեխնիկական բնութագիրը	ՀՀ գնումների մասին օրենսդրության խախտումներ, գնման ընթացակարգի խեղաթյուրումներ, մրցակցության բացառում, մեկ արտադրողի պարունակող չափանիշներ	
Չափաբաժին 2			
Տվյալների պահոցներ	Կոնտրոլերների նկարագրություն	<ul style="list-style-type: none"> - առնվազն 4 ակտիվ կոնտրոլեր՝ տաք փոխարինման հնարավորությամբ - ընդհանուր 1TiB cache հիշողություն՝ 256GiB յուրաքանչյուր կոնտրոլերի վրա - առնվազն 32 հատ 32Gb Fibre Channel պորտեր - յուրաքանչյուր կոնտրոլերի վրա առնվազն 2 հատ 10Gb Ethernet առանձնացված պորտեր՝ նախատեսված տվյալների ապապարատային ռեպլիկացիայի համար - յուրաքանչյուր կոնտրոլերի վրա առնվազն 4 հատ SAS 12Gb պորտեր՝ նախատեսված սկավառակների դարակների միացման համար 	Առնվազն 4 ակտիվ կոնտրոլեր պայմանին համապատասխանում է մեկ արտադրողի ապրանք:
	Տեղադրված սկավառակներ	48x1.92TB SSD SAS 2.5" սկավառակներ	
	Համակարգի աճեցման հնարավորություն	<ul style="list-style-type: none"> - առնվազն 26 հատ NVMe SSD կրիչներ տեղադրելու հնարավորություն - առնվազն 384 հատ SSD սկավառակներ տեղադրելու հնարավորություն - առնվազն 576 հատ HDD սկավառակներ տեղադրելու հնարավորություն - 1.92, 3.84, 7.68, 15.36TB SSD 2.5" սկավառակների աջակցում 	Ինչով է պայմանավորված հենց առնվազն 26 հատ չափանիշը, երբ տվյալ պահանջին լիովին համապատասխանում է մեկ արտադրողի ապրանք՝ բացառելով համարժեք տարբերակների գոյությունը:
Տվյալների ռեպլիկացիա	<ul style="list-style-type: none"> - Տվյալների սինխրոն և ասինխրոն ռեպլիկացիա միննույն մոդելի այլ համակարգի հետ՝ առանց լրացուցիչ միջանկյալ սարքերի և ծրագրային ապահովման կիրառման - Տվյալների սինխրոն և ասինխրոն ռեպլիկացիա առկա HPE 3PAR 8400 համակարգի հետ՝ առանց լրացուցիչ միջանկյալ սարքերի և ծրագրային ապահովման կիրառման 	HPE 3PAR 8400 ապրանքային նշանի ամրագրմամբ արդեն իսկ հիմնավորվում է մեր կողմից վկայակոչված հանգամանքը, այն է, որ կրկին անգամ մրցակցության սահմանափակմամբ մեկ արտադրողի ապրանքին համապատասխան չափանիշներ են ամրագրվել և դրանով իսկ պարզապես բացառել համարժեք ապրանքի ներկայացման հնարավորությունը շուկայի մյուս մասնակիցների համար:	

9. Տեխնիկական բնութագրում նշված 2 չափաբաժներում ներկայացված ապրանքները/հավաքածուն և վերջինիս առաջադրված պայմանները չեն համապատասխանում Գնումների մասին օրենսդրության պահանջին: Ավելին վերևը ներկայացված աղյուսակի համապատասխան պունակում ներկայացված են այդ անհամապատասխանությունների որոշակի մասը:

10. Տեխնիկական բնութագրում նախատեսվել են նախապայմաններ, չափանիշներ, որոնք սահմանափակում են ազատ մրցակցությունը, անհնարին դարձնում կոնկրետ արտադրողից բացի այլ արտադրողի ապրանքով մասնակցությունը:

11. Հրավերով պահանջվող սարքերի համար մասնակցի կողմից արտադրողի լիազորագիր (MAF) կամ պաշտոնական մատակարարի լիազորագիր (DAF)-ի ներկայացման պահանջով արդեն իսկ սահմանափակվում է մրցակցությունը, քանզի այդպիսի պահանջի կարող է բավարարվել մեկ մասնակցի կողմից, քանզի մեկ արտադրողի ապրանքի են համապատասխանում ներկայացված չափանիշները:

11. Պատվիրատուի կողմից թույլ է տրվել 22 գնումների օրենսդրության դրույթների խախտում, խեղաթյուրվել է գնման գործընթացը, մասնավորապես խախտվել է 22-ի համար 05.06.2015թ. ուժի մեջ մտած «Պետական գնումների մասին» վերանայված համաձայնագրի 10-րդ հոդվածի 1-5-րդ կետերով, Օրենքի 3-րդ, 6-րդ, 7-րդ, 13-րդ հոդվածներով, Կարգի 21-րդ, 22-րդ կետերով սահմանված դրույթները:

Բողոքի իրավական հիմքերը և հիմնավորումները՝

Պատվիրատուի կողմից հրապարակված հրավերի, դրան կից ներկայացված տեխնիկական բնութագրում ամրագրված տեխնիկական պայմանները խախտում են Գնումների օրենսդրության համապատասխան դրույթները, մասնավորապես.

«Պետական գնումների մասին» վերանայված համաձայնագրի 10-րդ հոդվածի 1-5-րդ կետերի համաձայն՝

«Հնդված X Տեխնիկական բնութագրեր և մրցառքի փաստաթղթեր

Տեխնիկական բնութագրեր

1. Պատվիրատուն չպետք է մշակի, ընդունի կամ կիրառի որևէ տեխնիկական բնութագիր կամ սահմանի որևէ համապատասխանության գնահատման ընթացակարգ՝ միջազգային առևտրին անհարկի խոչընդոտներ ստեղծելու նպատակով կամ ազդեցությամբ:

2. Գնվելիք ապրանքների կամ ծառայությունների համար տեխնիկական բնութագրեր սահմանելիս, պատվիրատուն, անհրաժեշտության դեպքում, պետք է.

ա. սահմանի տեխնիկական բնութագրերը կատարողականի և գործառնական պահանջների առումով և ոչ թե ինժեներական կամ նկարագրական հատկանիշների առումով, և

բ. հիմնվի տեխնիկական բնութագրերի միջազգային չափանիշների վրա, եթե այդպիսիք կան, հակառակ դեպքում՝ ազգային տեխնիկական կանոնակարգերի, ընդունված ազգային չափորոշիչների կամ շինարարական նորմերի վրա:

3. Եթե տեխնիկական բնութագրերում օգտագործվում են ինժեներական կամ նկարագրական հատկանիշներ, պատվիրատուն, անհրաժեշտության դեպքում, պետք է նշի, որ նա կդիտարկի համարժեք ապրանքների կամ ծառայությունների մրցութային առաջարկները, որոնք

ակնհայտորեն բավարարում են գնման պահանջներին՝ ներառելով մրցառքի փաստաթղթերում այնպիսի բառեր, ինչպես՝ «կամ համարժեք» բառերը:

4. Պատվիրատուն չպետք է սահմանի այնպիսի տեխնիկական բնութագրեր, որոնք պահանջում կամ հղում են տալիս որոշակի ապրանքային նշանին կամ առևտրային անվանմանը, արտոնագրին, հեղինակային իրավունքին, դիզայնին, տեսակին, հատուկ ծագմանը, արտադրողին կամ մատակարարին, եթե միայն չկա մեկ այլ բավարար չափով ճշգրիտ կամ դյուրըմբռնելի մեթոդ գնման պահանջները նկարագրելու համար և պայմանով, որ նման դեպքերում, կազմակերպությունը ներառում է «կամ համարժեք» բառերը մրցառքի փաստաթղթերում:

5. Ցանկացած տեխնիկական բնութագրի մշակման կամ ընդունման ժամանակ պատվիրատուն չպետք է փնտրի կամ ընդունի, այնպիսի եղանակով, որը կարող է մրցակցությանը խոչընդոտող ազդեցություն ունենալ, խորհուրդ այնպիսի անձից, որը կարող է առևտրային շահ ունենալ գնումներում»:

Օրենքի 3-րդ հոդվածի 2-րդ մասի համաձայն՝ գնումների գործընթացը հիմնվում է հետևյալ սկզբունքների վրա.

- 1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.
- 2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

Օրենքի 6-րդ հոդվածի 4-րդ կետի համաձայն՝ չեն կարող սահմանվել մասնակցի՝ գնումներին մասնակցելու իրավունքի և որակավորման հետ կապված այնպիսի չափանիշներ, որոնք՝

- 1) նախատեսված չեն սույն հոդվածով.
- 2) խտրական են և սահմանափակում են մրցակցությունը՝ անհիմն կերպով բարդացնում կամ պարզեցնում են հնարավոր մասնակցությունը գնման գործընթացին.
- 3) համարժեք չեն՝ ուղղակիորեն չեն բխում պայմանագրով նախատեսված պարտավորությունների կատարման անհրաժեշտությունից:

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Օրենքի 13-րդ հոդվածի համաձայն՝

1. Գնման առարկայի բնութագրերը պետք է ամբողջությամբ և հստակ նկարագրեն ձեռք բերվող ապրանքի, աշխատանքի կամ ծառայության հատկանիշները, դրանց ձեռքբերման և վճարման պայմանները՝ բացառելով տարակերպ մեկնաբանությունը: Գնման առարկայի բնութագրերը, որոնք ներառում են նաև պայմանագրի գինը, ընդգրկվում են պայմանագրում:

2. Գնման առարկայի բնութագրերը՝

1) պետք է մրցակցության հավասար պայմաններ ապահովեն հնարավոր մասնակիցների համար.

2) չպետք է հանգեցնեն գնումների գործընթացում մրցակցության համար չհիմնավորված խոչընդոտների առաջացմանը.

3) պետք է լինեն օբյեկտիվորեն հիմնավորված և համարժեք լինեն այն կարիքին, որի բավարարման նպատակով կատարվում է տվյալ գնումը.

4) ներառում են գնման առարկայի մասնագրի, տեխնիկական տվյալների, իսկ աշխատանքների դեպքում՝ նաև աշխատանքների ծավալաթերթի, ժամանակացույցի և այլ ոչ գնային պայմանների ամբողջական և համարժեք նկարագրությունը:

3. Ելնելով գնման առարկայի առանձնահատկությունից՝ դրանց հատկանիշները հնարավորինս ներառում են ձեռք բերվող սպրանքի, աշխատանքի կամ ծառայության որակին, ստանդարտին, անվտանգությանը, պայմանական նշաններին, տերմինաբանությանը, փաթեթավորմանը, բեռնաթափմանը, չափին, նախագծերին, ինչպես նաև գնման առարկայի այլ հատկանիշներին վերաբերող պայմանների հստակ նկարագրությունը՝ հիմնված միջազգային ստանդարտների և Հայաստանի Հանրապետությունում գործող նորմատիվատեխնիկական փաստաթղթերի, ստանդարտների, իսկ դրանց բացակայության դեպքում՝ ժամանակավոր տեխնիկական պայմանների վրա:

4. Գնման առարկայի հատկանիշները կարող են սահմանվել նաև որպես կատարողականի կամ գործառության (ֆունկցիոնալ) նկարագրեր, որոնք պետք է ներկայացվեն բավարար ճշտությամբ՝ հնարավորություն ստալով մասնակիցներին և պատվիրատուին ճշգրիտ ընկալել պայմանագրի առարկան:

5. Գնման առարկայի հատկանիշները չպետք է պահանջ կամ հղում պարունակեն որևէ առևտրային նշանի, ֆիրմային անվանմանը, արտոնագրին, էսքիզին կամ մոդելին, ծագման երկրին կամ կոնկրետ աղբյուրին կամ արտադրողին, բացառությամբ այն դեպքերի, երբ անհնար է գնման առարկայի բնութագրումն առանց դրանց: Հղումներ օգտագործելու դեպքում հատկանիշների բնութագիրը պետք է պարունակի «կամ համարժեք» բառերը:

Գնումների գործընթացի կազմակերպման կարգի (այսուհետև նաև՝ Կարգ) 32-րդ կետի 1-ին ենթակետի գ) պարբերության համաձայն՝ սպրանքների գնման դեպքում իր կողմից առաջարկվող սպրանքի տեխնիկական բնութագրերը, իսկ հրավերով նախատեսված դեպքերում նաև առաջարկվող սպրանքի **սպրանքային նշանը**, ֆիրմային անվանումը, մակնիշը և **արտադրողի անվանումը** (այսուհետ՝ սպրանքի ամբողջական նկարագիր),

Կարգի 21-րդ կետի 1-ին ենթակետի «ա» պարբերության համաձայն՝. Եթե գնման գործընթացների կազմակերպման ժամանակացույցով այլ ժամկետ նախատեսված չէ, ապա գնման պահանջի ծագման օրվան հաջորդող քսան աշխատանքային օրվա ընթացքում պատասխանատու ստորաբաժանումը՝ կազմում և հաստատում է գնման հայտը, որը ներառում է՝ գնման առարկայի բնութագրերը: Սպրանքների գնման դեպքում նշվում է նաև մասնակցի կողմից առաջարկվող սպրանքային նշանի, ֆիրմային անվանման, մակնիշի և արտադրողի վերաբերյալ տեղեկատվության ներկայացման անհրաժեշտությունը, իսկ պայմանագրի կատարման փուլում սպրանքն արտադրողից կամ վերջինիս ներկայացուցչից երաշխիքային նամակի կամ համապատասխանության սերտիֆիկատի ներկայացման անհրաժեշտությունը, եթե դրանք կիրառելի են տվյալ սպրանքի համար: Ընդ որում, պայմանագրի կատարման փուլում այն կնքած մասնակցից ծագման երկրի սերտիֆիկատ չի պահանջվում:

Կարգի 22-րդ կետի համաձայն՝ գնման առարկայի բնութագրերը սահմանելիս պետք է հաշվի առնել, **որ դրանց պետք է բավարարեն մեկից ավելի հնարավոր մասնակիցներ և արտադրողներ՝** բացառությամբ գնումը սույն կարգի 23-րդ կետի 4-րդ ենթակետով նախատեսված հիմքով կատարելու դեպքերի:

Օրենքի 25-րդ հոդվածի 2-րդ մասի համաձայն՝ արգելվում է խմբավորել առանձին բնութագրեր ունեցող գնման առարկաները մեկ չափաբաժնում, բացառությամբ այն դեպքերի, երբ պատվիրատուն հիմնավորում է նման խմբավորման անհրաժեշտությունը:

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

Աղյուսակ 1-ում ներկայացված «**ՀՀ գնումների մասին օրենսդրության խախտումներ, գնման ընթացակարգի խեղաթյուրումներ, մրցակցության բացառում, մեկ արտադրողին պարունակող չափանիշներ**» պունակում հստակ ամրագրված են այն պայմանները, որոնցից ակնհայտ է, որ հրապարակված ձևաչափով տեխնիկական բնութագրի չի բավարարում մեկից ավելի հնարավոր արտադրողի չափանիշը:

Վկայակոչված թիվ 1 աղյուսակում ներկայացված և ընդգծված համապատասխան պայմաններում ներկայացված չափանիշները հակասում են Օրենքին և Կարգին, մասնավորապես.

- կոնտրոլերների նկարագրություն- առնվազն 4 ակտիվ կոնտրոլեր՝ տաք փոխարինման հնարավորությամբ։ Սույն պայմանին նույնպես բավարարում է մեկ արտադրող, որով իսկ խախտվում է Օրենքը և Կարգը: Այդ մասին է վկայում նաև DELL-ի գրությունը: Հաշվի առնելով վկայակոչվածը առաջարկում ենք տեխնիկական բնութագրի նշված պայմանը փոփոխել և առնվազն 4-ի փոխարեն սահմանել առնվազն 2-ը:
- համակարգի աճեցման հնարավորություն - առնվազն 26 հատ NVMe SSD կրիչներ տեղադրելու հնարավորություն։ Սույն պայմանին նույնպես բավարարում է մեկ արտադրող, որով իսկ խախտվում է Օրենքը և Կարգը: Այդ մասին է վկայում նաև DELL-ի գրությունը: Հաշվի առնելով վկայակոչվածը առաջարկում ենք տեխնիկական բնութագրի նշված պայմանը փոփոխել և առնվազն 26-ի փոխարեն սահմանել առնվազն 21-ը:
- տվյալների ռեպլիկացիա- Տվյալների սինխրոն և ասինխրոն ռեպլիկացիա մինևնույն մոդելի այլ համակարգի հետ՝ առանց լրացուցիչ միջանկյալ սարքերի և ծրագրային ապահովման կիրառման, տվյալների սինխրոն և ասինխրոն ռեպլիկացիա առկա HPE 3PAR 8400 համակարգի հետ՝ առանց լրացուցիչ միջանկյալ սարքերի և ծրագրային ապահովման կիրառման։ Սույն պայմանին նույնպես բավարարում է մեկ արտադրող, որով իսկ խախտվում է Օրենքը և Կարգը: Այդ մասին է վկայում նաև DELL-ի գրությունը: Հաշվի առնելով վկայակոչվածը առաջարկում ենք տեխնիկական բնութագրի նշված պայմանը փոփոխել և սահմանել այնպես, որ հնարավորություն ընձեռնվի ընդլայնելու մասնակիցների շրջանակը:
- 2 չափաբաժնի առանձնացնելը- «Տվյալների պահոցի» և «կոմպոզիտիվ սերվերներ»- ներքո արհեստականորեն խմբավորվել են այլ մասերը, որոնք պետք է առանձնացվեին որպես առանձին չափաբաժիններ՝ ապահովելով հավասար հնարավորություններ այլ մասնակիցների մասնակցության համար, այն պարագայում, երբ երկու չափաբաժնի ներքո այդ մասերը խմբավորելով կրկին անգամ փորձ է արվում մեկ արտադրողի ապրանքի ձեռք բերման ուղղված գնման գործընթացի:

Նշված տեխնիկական բնութագրում ներկայացված և մեր կողմից չընդգծված պայմաններում նույնպես առկա են այնպիսի չափանիշներ, որոնց արդյունքում սահմանափակվում է գնումներին այլ մասնակիցների մասնակցության իրավունքը: Վկայակոչված հանգամանքից ելնելով, բողոքի

ըննության ժամանակ Պատվիրատուի կողմից պետք է հիմնավորվեն նաև մյուս պայմանների՝ մեկից ավելի արտադրողի ապրանքի համապատասխանության հանգամանքը:

Վկայակոչված փաստերից և թիվ 1 աղյուսակում ներկայացված խախտումներից էլնելով ակնհայտ է, որ տեխնիկական բնութագրում ներկայացված չափանիշների մեծամասնությունը համապատասխանում են միմիայն մեկ արտադրողի, բացառված է այլ երկրորդ արտադրողի կողմից համարժեք ապրանքի առկայություն: Այն պարագայում, երբ գնումների օրենսդրությունը, հիմնվելով գնման գործընթացի մրցակցային, թափանցիկ, համաչափ, հրապարակային, ոչ խտրական, գնման գործընթացին մասնակցելու իրավասության սկզբունքների վրա, նպատակ է հետապնդում ապահովելու գնումների գործընթացում հատուցման դիմաց պատվիրատուին վերապահված լիազորությունների կատարման համար անհրաժեշտ՝ կարիքին համապատասխան ապրանքների, աշխատանքների և ծառայությունների ձեռքբերումը՝ համարժեք հատուցմամբ, և որ ամենակարևորն է՝ գնումների գործընթացի տևտեսող, արդյունավետ և օգտավետ իրականացման ապահովումը: Ավելին, վերոնշյալ սկզբունքների ապահովումն և իրականացումը գնումների օրենսդրության շրջանակներում իրականացնելու համար, անհրաժեշտ պայման է նաև ցանկացած անձի՝ գնման գործընթացին մասնակցելու հավասար իրավունք ունենալու սկզբունքը: Ավելին, ընթացակարգի գնման առարկայի բնութագրերն ամբողջությամբ և հստակ պետք է նկարագրեն ձեռքբերվող ապրանքի հատկանիշները՝ բացառելով տարաբնույթ մեկնաբանման հնարավորությունը, հնարավոր մասնակիցների համար պետք է ապահովեն մրցակցության հավասար պայմաններ, դրանով իսկ բացառելով գնումների գործընթացում մրցակցության համար չհիմնավորված խաչընդատների առաջացումը, ինչպես նաև գնումների և գնումների գործընթացի իրականացման կարևորագույն սկզբունքներից է հանդիսանում գնման արդյունավետ և օգտավետ իրականացումը, հետևաբար պատվիրատուի կողմից իրականացվող սույն գնումը պետք է լիարժեք համապատասխանի վերջինիս գնման պահանջին, և ապահովվի պատվիրատուի այն կարիքի բավարարումը, որի նպատակով կազմակերպվել է նշված գնումը, այլ կերպ ասած բնութագիրն պետք է օբյեկտիվորեն հիմնավորված և համարժեք լինի այն կարիքին, որի բավարարման համար հայտարարվել է ընթացակարգը:

Ընկերության կողմից սույն բողոքի շրջանակում տեխնիկական բնութագրում առկա խախտումների վերաբերյալ համապատասխան գրություն, արտատպումներ ներկայացվել են, սակայն ցանկանում ենք հավելել, որ տվյալ պարագայում Պատվիրատուն է կրում բողոքում ներկայացված հրավերում առկա որևէ պայմանի՝ գնումների օրենսդրությանը հակասելու հանգամանքի ժխտման/հերքման բեռը, քանզի Կարգի 22-րդ կետի խմատով գնման առարկայի բնութագրեր սահմանելիս պետք է հաշվի առնել, որ դրանց պետք է բավականացնի մեկից ավելի հնարավոր մասնակիցներ և արտադրողներ: Այսպիսով, Պատվիրատուն պետք է հիմնավորի, որի իր կողմից հաստատված և հրապարակված տեխնիկական բնութագրում առկա չեն խախտումներ Օրենքի և Կարգի:

Այսպիսով, Պատվիրատուի կողմից երկու չափաբաժնում խմբավորելով տարբեր, առանձին տեխնիկական բնութագրեր ունեցող գնման առարկաներ, արհեստականորեն սահմանափակել է հնարավոր մասնակիցների շրջանակը և նրանց միջև մրցակցության հնարավորությունը, որի արդյունքում Պատվիրատուն խախտել է Օրենքի 3-րդ հոդվածով սահմանված պահանջները, այն է՝ գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպման և գնման գործընթացին

մասնակցելու իրավահավասարության սկզբունքների խախտման, որոնք գնումների և գնումների գործընթացի իրականացման կարևորագույն սկզբունքներից են:

Ուստի գտնում ենք, որ երկու չափաբաժնու՝ որպես գնման առարկա խմբավորված ապրանքատեսակները տարանջատել առանձին չափաբաժինների, որպիսի պայմաններում ընթացակարգի մասնակիցների շրջանակը կընդլայնվի, ինչն էլ իր հերթին կհանգեցնի մրցակցության ապահովմանը:

Վկայակոչված իրավական նորմերի վերլուծությունից և ներկայացված ակնհայտ է, որ գնահատող հանձնաժողովի կողմից պետք է փոփոխություններ կատարվեն տեխնիկական պայմաններում, որպեսզի էՕրենքի 13-րդ հոդվածի պահանջների խախտմամբ կազմված հրավերն և տեխնիկական բնութագիրը ապահովեն մրցակցության առողջ մթնոլորտ և Գնումների օրենսդրության դրույթներին համապատասխան գնումների գործընթաց: Ավելացնենք, որ Օրենքի 13-րդ հոդվածի խախտումն իր հերթին հանգեցնելու է Օրենքի 3-րդ, 6-րդ, 7-րդ հոդվածներում ամրագրված դրույթների խախտմանը, մասնավորապես՝ մասնակիցների շրջանակի ընդլայնման և նրանց միջև մրցակցության խրախուսման սկզբունքի խախտմանը, մասնակիցներին զրկում է երաշխավորված գնման գործընթացի մասնակցելու իրավունքի արդյունավետ իրականացման հնարավորությունից, խտրական են և սահմանափակում են մրցակցությունը՝ անհիմն կերպով քարոզանում կամ պարզեցնում են հնարավոր մասնակցությունը գնման գործընթացին և այլն: Այսպիսով, գտնում ենք, որ վերոնշյալ բողոքում ներկայացված փոփոխությունների կատարման արդյունքում Ընթացակարգի մասնակիցների շրջանակը կընդլայնվի, ինչը կհանգեցնի մրցակցության ապահովմանը:

Պահանջը

Ելնելով այն հանգամանքից, որ գնահատող հանձնաժողովը թույլ է տվել ՀՀ գնումների օրենսդրության դրույթների խախտում, խեղաթուրվել է գնման գործընթացը, մասնավորապես խախտվել է ՀՀ-ի համար 05.06.2015թ. ուժի մեջ մտած «Պետական գնումների մասին» վերանայված համաձայնագրի 10-րդ հոդվածի 1-5-րդ կետերով, Օրենքի 3-րդ, 6-րդ, 7-րդ, 13-րդ, 25-րդ հոդվածներով, Կարգի 21-րդ, 22-րդ կետերով սահմանված պահանջները և ղեկավարվելով Օրենքի 50-րդ հոդվածի 7-րդ կետով

Խնդրում ենք


Բավարարել բողոքը և պարտավորեցնել ՀՀՊԵԿ-ԷԱՃ-ԱՊՁԲ-21/25 ծածկագրով ընթացակարգի գնահատող հանձնաժողովին՝

- ՀՀՊԵԿ-ԷԱՃ-ԱՊՁԲ-21/25 ծածկագրով ընթացակարգի հրապարակված հրավերում և դրան կից տեխնիկական բնութագրում կատարել փոփոխություններ՝ բողոքով նշված հիմնավորումների և վերլուծությունների շրջանակում կամ վերացնել առյև բողոքում նշված թերությունները, կամ
- Չկայացած հայտարարել ՀՀՊԵԿ-ԷԱՃ-ԱՊՁԲ-21/25 ծածկագրով հայտարարված ընթացակարգը:

Կից ներկայացնում եմ՝

1. Լիազորագրի լուսապատճենը;
2. Նույնականացման քարտի և փաստաբանական գործունեության արտոնագրի լուսապատճենները;
3. ՊԵԿ-ԷԱՃԱՊՁԲ-21/027, ՀՀՊԵԿ-ԷԱՃ-ԱՊՁԲ-21/25 ծածկագրերով Հրավերները և

3. ՊԵԿ-ԷԱՃԱՊՁԲ-21/027, ՀՀՊԵԿ-ԷԱՃ-ԱՊՁԲ-21/25 ծածկագրերով Հրավերները և տեխնիկական բնութագրերը;
4. www.gnumner.am էլեկտրոնային կայքից արտատպումը;
5. DELL ընկերության գրության լուսապատճենը;
6. ԳԲՔԱ-ՆԳ-2021/18, ԳԲՔԱ-ՆԳ-2021/21, ԳԲՔԱ-ԼՕ-2021/11, ԳԲՔԱ-ԼՕ-2021/37, ԳԲՔԱ-ԼՕ-2021/30, ԳԲՔԱ-ՆԳ-2021/33, ԳԲՔԱ-ԼՕ-2021/46, ԳԲՔԱ-ԼՕ-2020/28 և ԳԲՔԱ-ԼՕ-2021/50 որոշումները;
7. Պետական տուրքի վճարման անդորրագիրը;

«Ստեպ Լոջիկ Յուգ» ՍՊԸ-ի ներկայացուցիչ, փաստաբան՝  Ա. Մարգարյան

07.09.2021թ.